

居家必備

四

漢書門			
一	二	三	四
〇	一	二	三
冊	架	函	號

內閣文庫			
三	二	三	四
八	〇	一	二
函	冊	架	號

內閣文庫			
番號	漢	2895	
冊數	10	(4)	
函號	303	15	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



居家必備卷四


治生



田家五行



紀曆撮要





探春曆記

田家曆

農家諺

俗事方

袖中錦



居家必備 卷四目

物類相感志

田家五行

吳郡婁元禮

雜占

論日

日暈則雨諺云月暈主風日暈主雨 日脚占晴雨
 諺云朝又天暮又地主晴反此則雨 日沒後起青
 白光數道下狹上濶直起亘天此特夏秋間有之俗
 呼青白路主來日酷熱 日生耳主晴雨諺云南耳
 晴是耳雨日生雙耳斷風截雨若是長而下垂通地

期又名白日曠生久晴 日出早主雨出晏主晴老
農云此時言久陰之餘夜雨連旦正當天明之際雲
忽一掃而捲卽光日出所以言早少刻必雨立驗言
晏者日出之後雲晏開也必晴亦甚準蓋日之出入
自有定刻實無早晏也愚謂但當云晴得早主雨晏
開主晴不當言日出早晏也占者悟此理 日外自
雲障中起主晴諺云日頭薺雲障晒殺老和尚 日
沒返照主晴俗名爲日返塲一云日沒胭脂紅無雨
也有風或問二候相似而所主不同何也老農云返

照在日沒之前胭脂紅在日沒之後不可不知也
諺云烏雲接日明朝不如今日又云日落雲沒不雨
定寒又云日落雲裏走雨在半夜後已上皆主雨此
言一朵烏雲漸起而日正落其中者 諺云日落烏
雲半夜楞明朝晒得背皮焦此言半天元有黑雲日
落雲外其雲夜必開散明必甚晴也又云今夜日沒
烏雲洞明朝晒得背皮痛此言半天上雖有雲及日
沒下去都無雲而見日狀如岩洞者也 已上皆主
晴甚驗

論月

月暈主風何方有關卽此方風來 新月卜雨諺云
 月如挂弓少雨多風月如偃瓦不求自下又云月偃
 偃水漾漾月子側水無滴 新月落北主米貴荒諺
 云月照後壁人食狗食 作竊者易敗果驗 月初
 始生前月大盡初二晚見前小盡初三晚見諺云大
 二小三 初五夜裏更半月初八廿三上落半夜十
 二夜裏天亮月十三四大明月著地十五十六正圓
 圓十七十八正轟喧十八九坐可守二十二十一月

上一更急二十二三月上半闌殘二十四五六月上
 好煮粥二十七與八日月東方一齊發二十九夜略
 有上弦初七八九下弦二三四

論星

諺云一個星保夜晴此言雨後天陰但見一兩星此
 夜必晴 星光閃爍不定主有風 夏夜見星密主
 熱 諺云明星照爛地來朝依舊雨言久雨正當黃
 昏卒然雨住雲開便見滿天星斗則豈但明日有雨
 當夜亦未必晴

論風

夏秋之交大風及有海沙雲起俗呼謂之風潮古人
 名之曰颶風言其貝四方之風故名颶風有此風必
 有霖淫大雨同作甚則拔木偃禾壞房室決堤堰其
 先必有如斷虹之狀者見名曰颶母航海之人見此
 則又名破帆風 凡風單日起單日止雙日起雙日
 止 諺云西南轉西北槎繩來絆屋又云半夜五更
 西天明拔樹枝又云日晚風和日雨再多又云惡風
 盡日沒又云日出三竿不急便寬大凡風日出之時

必略靜謂之風讓日大抵風自日內起者必善夜起
 者必毒日內息者亦和夜半息者必大凍已上並言
 隆冬之風 諺云風急雨落人急客作又云東風急
 備簑笠風急雲起愈急必雨 諺云東北風雨太公
 言良方風雨卒難得晴俗名曰牛筋風雨指丑位故
 也 諺云行得春風有夏雨言有夏雨應時可種田
 也非謂水必大也經驗 諺云春風踏脚報言易轉
 方如人傳報不停脚也一云既吹一日南風必還一
 日北風報答也二說俱應 諺云西南早到晏弗動

草言早有此風向晚必靜 諺云南風尾北風頭言
南風愈吹愈急北風初起便大 春南夏北有風必
雨 冬天南風三兩日必有雪

論雨

諺云雨打五更日晒水坑言五更忽有雨日中必晴
甚驗 晏雨不晴 雨著水面上有浮泡主卒未晴
諺云一點雨似一個釘落到明朝也不晴一點雨
似一個泡落到明朝未得 諺云天下太平夜雨
日晴言不妨農也 諺云上牽晝暮牽齋下晝雨齊

齊 諺云病人怕肚脹雨落怕天亮亦言久雨正當
昏黑忽自明亮則是雨候也 雨夾雪難得晴 諺
云夾雨夾雪無休無歇 諺云快雨快晴道德經云
飄風不終朝驟雨不終日 凡雨喜少惡多 諺云
十日晴不厭一日雨落便厭

論雲

雲行占晴雨諺云雲行東雨無踪車馬通雲行西馬
濺泥水沒犁雲行南雨潺潺水漲潭雲行北雨便是
好晒穀 上風雖開下風不散主雨 諺云上風皇

下風隘無簑衣莫出外 雲若砲車形起主風起
 諺云西南陣單過也落三寸言雲陣起自西南來者
 雨必多尋常陰天西南陣上亦雨 諺云太婆年八
 十八弗曾見東南陣頭發又云千歲老人不曾見東
 南陣頭雨沒子田言雲起自東南來者絕無雨 凡
 雨陣自西北起者必雲黑如潑墨又必起作眉梁陣
 主先大風而後雨終易晴 天河中有黑雲生謂之
 河作堰又謂之黑豬渡河黑雲對起一路相接巨天
 謂之女作橋雨下濶則又謂之合羅陣皆主大雨立

至少頃必作滿天陣名通界雨言廣濶普徧也若是
 天陰之際或作或止忽有雨作橋則必有挂帆雨脚
 又是雨脚將斷之兆也不可一例而取 凡雨陣雲
 疾如飛或暴雨乍傾乍止其中必有神龍隱見易曰
 雲從龍是也 諺云旱年只怕沿江挑水年只怕北
 江紅一云太湖晴上文言亢旱之年望雨如望恩纔
 是四方遠處雲生陣起或自東引而西自西而東俗
 所謂排也則此雨非但今日不至必每日如之卽是
 久旱之兆也此吳語也故指北江爲太湖若是晚霽

必兼西天但晴無雨諺云西北赤好晒麥 陰天下
晴諺云朝要頂穿暮要四脚懸又云朝看東南暮看
西北 諺云魚鱗天不雨也風顛此言細細如魚鱗
斑者一云老鯉斑雲障晒殺老和尚此言滿天雲大
片如鱗故云老鯉往往試驗各有准 秋天雲陰若
無風則無雨 冬天近晚忽有老鯉斑雲起漸合成
濃陰者必無雨名曰護霜天諺云識每護霜天不識
每著子一夜眠

論霞

諺云朝霞暮霞無水煎茶主旱此言久晴之霞也
諺云朝霞不出市暮霞走千里此皆言雨後乍晴之
霞暮霞若有火焰形而乾紅者非但主晴必主久旱
之兆朝霞雨後乍有定雨無疑或是晴天隔夜雖無
今朝忽有則要看顏色斷之乾紅主晴間有褐色主
雨滿天謂之霞得過主晴霞不過主雨若西方有浮
雲稍厚雨當立至

論虹

俗呼曰鬘 諺云東鬘晴西鬘雨諺云對日鬘不到

田家雜占 八
畫主兩言西鸞也若鸞下便雨還主晴

論雷

諺云未雨先雷船去步來主無雨 諺云當頭雷無
雨卯前雷有雨凡雷聲響烈者雨陣雖大而易過雷
聲殷殷然響者卒不晴 雷初發聲微和者歲內吉
猛烈者凶甲子日尤吉 雪中有雷主陰雨百日方
晴 東州人云一夜起雷三日雨言雷自夜起必連
陰

論霜

每年初下只一朝謂之孤霜主來年歉連得兩朝以
上主熟上有鎗芒者吉平者凶春多主旱

論雪

其詳在十二月下雪而不消名曰等伴主再有雪久
經日照而不消亦是來年多水之兆也

論電

夏秋之間夜晴而見遠電俗謂之熱閃在南主久晴
在北主便雨諺云南閃千年北閃眼前 北閃俗謂
之北辰閃主雨立至諺云北辰三夜無雨大怪言必

日家雜占
有大風雨也

論氣候

凡春宜和而反寒必多雨諺云春寒多雨水元宵前後必有料峭之風謂之元宵風 凡春有二十四番花信風梅花風打頭陳花風打末 二月初有水謂之春水 二月八日張大帝生日前後必有風雨極準俗號爲請客風送客雨正日謂之洗街雨初十謂之洗厨雨 二月二上工故諺元河東西好使犁此時之雨正是一犁春雨諺云水成田衣成人無衣不

成人無水不成田種田不稱水田僅可種豆 立春後五戊爲社其日雖晴亦多有微雨數點謂社公不喫乾糧果驗 諺云清明斷雪穀雨斷霜言天氣之常 東作既興早起夜眠春間最爲要緊古語云一年之計在春一日之計在寅 夏四月清和天氣爲正 必作寒數日謂之麥秀寒卽月令麥秋至之後芒種後雨爲黃梅雨夏至後爲時雨此時天公陰晴易變諺云黃梅天日多幾番顛 諺云黃梅天氣楚向老婆頭邊也要擔了蓑衣箬帽去 夏至日最

長諺云夏至日莫與人種秧冬至日莫與人打更

夏至日九九氣候諺云一九二九扇子弗離手三九

二十七冰水甜如蜜四九三十六出汗如出浴五九

四十五頭帶秋葉舞六九五十四乘涼不入寺七九

六十三上牀尋被單八九七十二思量蓋夾被九九

八十一家家打炭壑 六月有水謂之賊水言不當

有也 秋稍涼氣候之正即月令涼風至之候 八

月又作新涼諺云處暑後十八盆湯 又云立秋後

四十五日浴堂乾 中句作熱謂之潮熱又名八月

小春 十八日潮生日前後有水謂之橫港水 九

月初有雨多謂之秋水 社日應候田園樂事並與

春社同但景物異耳唐詩云楓林社日鼓茅屋午時

雞 早稻嵐晚稻嵐落縵天蓼花水浴車嵐路雨

中氣前後起西北風謂之霜降信有雨謂之濕信未

風光雨謂之料信雨霜降前來信前信易過善後來

信了信必嚴毒此信乾濕後信必如之諺云霜降了

布衲著得言已有暴寒之色 又云暴寒難忍熱難


當 水到此必退古語云霜降水痕收 維時酒家

開沽諺云香橙螭蟻月 季秋刈獲之忙俗諺云畚
 金取寶月 冬初和暖謂之十月小春又謂之晒糯
 穀天此時禾稼已登正是農家為沉醉佳處詩云一
 年好景君須記最是橙黃橘綠時 漸見天寒日短
 必須夜作諺云十月無工只有梳頭喫飯工 又云
 河東西好使犁河射角好夜作 立冬前後起西北
 風謂之立冬信月內風頻作謂之十月五風信 諺
 云冬至前後瀉水不走 至後九九氣候諺云一九
 二九相喚弗出手三九廿七離頭吹簪篸四九三十

六夜眠如鷺宿五九四十五太陽開門戶六九五十
 四貧兒爭意氣七九六十三布衲檐頭擔八九七十
 二猫狗尋陰地九九八十一犁耙一齊出 十二月
 謂之大禁月忽有一日稍暖即是大寒之候諺云一
 日赤膊三日齷齪 諺云大寒須守火無事不出門
 又云大寒無過丑寅大熱無過未申 諺云臘月
 廿四五錐刀不出土

論朔日

晴主月內晴 雨謂之交月雨主久陰雨若此先連



綿有雨反輕 風吹月建方位主米貴自建方來爲
得其正萬物各得其所晴雨各得其宜

論旬中尅應

新月下有黑雲橫截主來日雨諺云初三月下橫
雲初四日裏雨傾盆 月盡無雨則來月初必有風
雨諺云廿五廿六若無雨初三初四莫行船 廿五
日謂之月交日 有雨主久陰 廿七日最宜晴諺
云交月無過廿七晴六十三

論甲子

諺云春雨甲子乘船入市夏雨甲子赤地千里秋雨
甲子禾頭生耳冬雨甲子飛雪千里 一說甲子春
雨主夏旱六十日夏雨主秋旱四十日此說蓋取其
久陰之後必有久晴諺云半年雨落半年晴甲子遇
雙日是雌甲子雖雨不妨

論壬子

春雨人無食夏雨牛無食秋雨魚無食冬雨鳥無食
又云春雨壬子秧爛蚕死又云雨打六壬頭低田便
罷休一云更須看甲寅日若晴拘得過不妨諺云壬

田家雜占
子是哥哥爭奈甲寅何若得連晴爲上不然二日內亦當以壬子日爲主 一說壬子雨丁丑晴則陰晴相半二日俱晴六十日內少雨二日俱雨主六十日內雨多近聞此說累試有驗

論甲申

諺云甲申尤自可乙酉怕殺我言申日雨尚庶幾酉上雨主久雨一云春甲申日則主米暴貴又云閩中見四時甲申日雨則家閉糴價必踊貴也吳地最畏此二日雨故特以怕殺二字表其可畏之甚也

每試極准

論甲戌庚必變

諺云久雨久晴多看換甲 又云甲午旬中無燥土 又云甲雨乙劫 又云甲日雨乙日晴乙日雨直到庚 又云久晴逢戌雨久雨望庚晴 又云逢庚須變逢戌須晴又云久雨不晴且看丙丁 又云上火不落下火滴滔言丙丁日也

論鶴神

巳酉日下地東北方乙卯轉正東庚申轉東南丙寅

轉正南辛未轉西南丁丑轉正西壬午轉西北戊子
轉正北癸巳上天在天上之北戊戌日轉天上之南
甲辰轉天上之東巳酉復下周而復始括云纔逢癸
巳上天堂巳酉還居東北方上天下地之日晴主久
晴雨主久雨轉方稍輕若大旱年雖轉方天並不作
變諺云荒年無六親旱年無鶴神 巳亥庚子巳巳
庚午謂之水主土多是值雨 庚申日晴甲子必晴
丁未日雨殺百虫

論山

遠山之色清朗明爽主晴嵐氣昏暗主作雨 起雲
主雨收雲主晴尋常不曾出雲小山忽然雲起主大
雨 久雨在半山之上山水暴發一月則主山崩却
非尋常之水

論地

地面濕潤甚者水珠出如流汗主暴雨若得西北風
解散無雨 石礫水流亦然 四野鬱蒸亦然

論水

夏初水底生苔主有暴雨諺云水底起青苔卒逢大

水來 水際生靛青主有風雨諺云水面生青靛天
公又作變 諺云大水無過一周時 諺云大旱不
過周時雨大水無非百日晴言天道須是久晴則水
方能退也故論潮者云晴乾無大汛合而言之可見
水漲之易退之難也如此 凡東南風退水西北反
爾此理蓋只是吳中太湖東南之常事往年初冬大
西北風湖水泛起吳江人家皆俱浸水中風息復平
之湖湖水纔是南風連吹半月十日便可退水三
水邊經行聞得水有香氣至雨水
驟至極驗或聞水腥氣亦然 河內浸成包稻種既
沒復浮主有水

論潮

每半月逐日候潮時有詩訣云午未未申甲寅寅卯
卯辰辰巳巳午午未月一遭輪夜潮相對起仔細與
君論 十三二十七名曰水起是爲大汛各七日
二十初五名曰下岸是爲小汛亦各七日 諺云初
一月半五時潮又云初五二十夜岸潮天亮白遙遙
又云下岸三潮登大汛 凡天道久晴雖當大汛水

亦不長諺云乾晴無大汛雨落無小汛

論草

五穀草占稻色草有五穗近本莖爲早色腰末爲晚
禾隨其穗之美惡以斷豐歉未必極驗但其草每年
根根相似 茆蕩內春初雨過菌生俗呼爲雷蕈多
則主旱無則主水 草屋久雨菌生其上朝出晴暮
出雨諺云朝出晒殺暮出濯殺 看窠草一名干戈
謂其有刺故也蘆葦之屬叢生於地夏月暴熱之時
忽自枯死主有水 諺云頭芋生子沒殺二芋二芋
生子旱殺三芋 菱草水草也村人嘗剝其小白嘗
之以下水旱味甘甜主水已來亦未止味銹氣主旱
已來亦已定

論花

梧桐花初生時赤色主旱白色主水 扁豆五月開
花主水 杞夏月開結主水 藕花謂之水花魁開
在夏前主水 冬青花詳見五月類 野薔薇開在
立夏前主水 麥花晝放主水 鳳仙花開在五月
主水 槐花開一遍糯米長一遍價 豐苦水旱四

等草花雜占云薺萊先生歲欲甘葶藤先生歲欲苦
藕先生歲欲雨蒺藜先生歲欲旱蓬先生歲欲荒水
藻先生歲欲惡艾先生歲欲病皆以孟春占之係江
南農事云

論木

凡竹笋透林者多有水 楊樹頭並水際根乾紅者
主水此說恐每年如此不甚應

論飛禽

諺云鴉浴風鵲浴雨八八兒洗浴斷風雨鳩鳴有還

聲者謂之呼婦主晴無還聲者謂之逐婦主雨 鵲
巢低主水高主旱俗傳鵲意既預知水則云終不使
我沒殺故意愈低既愈知旱則云終不使晒殺故意
愈高朝野僉載云鵲巢近地其年大水 海燕忽成
羣而來主風雨諺云烏肚雨白肚風 赤老鴉含水
叫雨則未晴晴亦主雨老鴉作此聲者亦然 鴉旧
叫早主雨多人辛苦叫晏晴多人安閑農作次第
夜間聽九道遙鳥叫卜風雨諺云一聲風二聲雨三
聲四聲斷風雨 鶴鳥仰鳴則晴俯鳴則雨 鵲噪

早報晴明日乾鵲 冬寒天雀羣飛翅聲重必有雨
雪 鬼車鳥卽是九頭虫夜聽其聲出入以下晴雨
自北而南謂之出窠主雨自南而北謂之歸窠主晴
古詩云月黑夜深聞鬼車 喫鷓呼主晴 謂之賣
蓑衣 鷓呼諺云朝鷓晴暮鷓雨 夏秋間鷓呼將
至忽有白露飛過雨竟不至名曰截雨 家鷄上宿
遲主陰雨 燕巢做不乾淨主田內草多 母鷄背
負鷄雛謂之鷄跔兒主雨 喫井鵝鵝並載五月下

論走獸

獾窟近水主旱登岸主水有驗 圍墜上野鼠爬池
主有水必到所爬處方止 鼠咬麥苗主不見收咬
稻苗亦然 倒在根下主薯下米貴 狗爬地主陰雨每
街在洞口主困頭米貴 眠灰堆高處亦主雨狗咬青草喫主晴 狗向河邊
喫水主水退 鐵鼠其臭可惡白日銜尾成行而出
主雨 貓兒喫青草主雨 絲毛狗褪毛不盡主梅
水未止

論龍

龍下便雨主晴凡見黑龍下主無雨縱有亦不多白

龍下雨必到水鄉諺云黑龍護世界白龍壞世界
龍下頻生旱諺云多龍多旱 龍陣雨始自何一路
只多行此路無處絕無諺云龍行熟路

論魚

魚躍離水面謂之秤水主水漲高多少增水多少
凡鯉鯽魚在四五月間得暴漲必散子散不盡水未
止盛散水聲必定夏至前後得黃鱔魚甚散子時雨
必止雖散不甚水終未定最緊 車溝內魚來攻水
逆上得鮎主晴得鯉主水諺云鮎乾鯉濕又鯽魚主

水鱔魚主晴 黑鯉魚脊翼長接其尾主旱 夏初
食鯽魚脊骨有曲主水 漁者網得死鰱謂之水惡
故魚着網即死也口開主水立至易過口閉來遲水
旱不定 鰕籠中張得鱒魚主風水

論祥瑞

兩岐麥謂一稔而秀兩穗也主時年祥瑞又主其田
秋必倍收其家日必驟進又主太平之兆漢史云桑
無附枝麥岐兩穗張君爲政樂不可支 紫燕來巢
主其家益富此燕與烏燕同類而異凡名曰舍鵲兒

又名黃腰燕子營巢却與烏燕絕不相似余所居村
巷有此燕巢者僅二家一巷之最溫潤者亦僅此二
家又凡燕巢長及大者主吉祥北向者令人家道興
旺更利田蚕也 凡六畜自來占吉凶諺云猪來貧
狗來富猫兒來開質庫 一云鷄來貧蓋鷄之得失
尋常有之何足爲異因猪鷄音相近俗傳之誤昔有
一人言其家主翁召是富室長者忽隣家走 猪入
其猪闌未遠長者取之長者故意妄言多之猪數以
獲其猪其人不敢索而去遂致廢弛富室 破碗上

下作兩截斷而齊者名曰無底碗大吉往往以上截
書古語於其中懸東壁謂祥瑞也 近者一友人云
數年前曾見上洋高仲明家有一無底碗謂其祥瑞
懸之東壁其齊如截愛若至寶不三年其家財貨大
進田連阡陌今則爲當地田戶 凡牛退齒每每凡
不得而知見若有見其齒已脫在口候而得之者大
吉利主三年內大發 猫洗面至耳主有遠親至之
喜 黃昏鷄啼主有天恩好事或有減放稅糧之喜
臘月廿五日夜赤豆粥鑊滾則三年大發 猫犬

生子皆雄主其家有喜事 三白大吉謂白雀巢簷
白鼠穿屋白魚入舟也 鼠咬人幘頭帽子衫領主
得財喜百日內至 半夜前作數錢聲者主招財吉
鼠狼來竄其家必長吉 犬生一子其家興旺諺
云犬生獨家富足 春初獺祭魚忽有人拾得其遺
殘者食之大吉 鵲噪簷前主有佳客至及有喜事
蛇脫殼人有見之者主大發迹 燈花不可剔去
至一更不謝明日有吉事半夜不謝主有連綿喜慶
之事或有遠親信物至諺云燈花今夜開明朝喜事

來久陰矢息燈燈煤如炭紅良久不過明日喜晴諺

云火留星必定晴久晴後火煤便滅主喜雨 長墩

忽然門內泥土自然墳去聲起成墩者謂之長墩主其

家長進余嘗記幼時曾見東郊有一村店始於賣酒

營生僅以自已忽門內泥土自然墳起店主謂其祥

瑞愛護不鋤日見漸高家亦日益遂添賣香燭麩麵

之類踰年愈高成墩不勝添進人口積蓄米麥乃大

興販京果海錯南貨等物無所不有雖百里之外或

富室或寺院咸來垂顧動以千緡每殘年及春季日

有數千緡交易長夏門亦如市四方馳名遠近自為
 巨富三十年後墩漸平下家亦暗消 凡見鼠立主
 大吉慶 嘗聞余大父言昔中年一元旦曾於庭前
 溝口獨見一鼠對面拱立心雖不以為怪亦謂頗奇
 因向之曰爾亦知泰來之賀耶其鼠復如揖拜之狀
 而去大父晚年子孫蕃衍家事從容至老康健壽享
 八十九歲可謂吉慶矣因以此事問前輩乃云嘗於
 雜書中曾見此說名曰狼恭鼠拱主大吉慶必有陰
 德所致而然 已上數事初非好奇以惑眾皆以目

擊耳聞實確可考之言始附卷末以備田家五行中
 之一事云爾

祥補拾遺凡出入遇合物及犬過橋大百所謀皆
 遂錢穀豐盈

歲朝東北至承天地

歲朝西北至承天地

八月廿五日

八月廿五日

八月廿五日

有數千... 凡見... 大吉慶... 滿日獨見... 因向之... 而遂... 一專云... 澤耳... 開寶... 西... 卷... 言... 未... 以... 田... 案... 正... 中

紀歷撮要

唐 鹿門老人

正月

百年難遇歲朝春

歲朝東北五禾大熟

歲朝西北風大水害農功

八月穀旦晴明宜穀

上八日不見參星月半不見紅燈

元宵無雨多春旱

紀歷撮要

一日陰人料食一升二日陰人料食二升

風吹上元燈雨打寒食墳

甲子豐年丙子旱戊子蝗蟲庚子叛惟有壬子水滔

滔只在正月上旬看

一日雞天氣晴人安國泰四夷來貢二日狗無風雨

卽大熟三日猪晴明君安四日羊春氣暖臣順君命

五日馬如晴明四望無怨氣六日牛日月光明卽大

熟七日人晴明民安君臣和會八日穀夜見星辰五

穀豐熟

二月

十夜以上雨水鄉人盡叫苦

十二日晴徹夜夜雨却不怕

雷初發聲在水門其年有水

亥子乃爲水門也

社日必有雨諺云社公不契舊水又云社公不契乾

糧

立春後第五戊是社

三月

三月無三卯田家米不飽

初三日田雞上晝叫上鄉熟下晝叫下鄉熟終日叫
上下鄉俱熟

田雞叫得啞三青變作鮮田雞叫得啞田裏收稻把
田雞叫得響田裏好牽漿

三月初三晴桑葉掛銀瓶雨打石頭斑桑葉錢上楚
雨打石頭流桑葉好喂牛

注云 此日黃姑浸種

清明曬得楊柳枯十隻糞缸九隻浮

音浮

清明無雨少黃梅

雨打紙錢頭麻麥不見收雨打墓頭錢今年好種田

門前插柳青農人休望晴門前插柳焦農人好作嬌

清明午前晴早蠶熟午後晴晚蠶熟

三月初三雨打石頭遍桑葉三錢片又云三日尚可

四日殺我言四日尤貴

穀雨日辰值甲辰蠶麥相登大喜祈穀雨日辰值甲

午每箔絲綿得三斤

四月

夜雨損小麥諺云小麥不怕神共鬼只怕四月八夜

雨

麥秀風搖稻秀風澆

有利無利只看四月十二此日宣晴忌西南風吹百

錢足動若東南風吹動足百錢十分好

有穀無穀只看四月十六

四月十六日烏漉禿不論高低一齊熟

十六日上早低田好種稻少

立夏日無暈無水有暈主做湖塘

看魚散子占水黃梅時水邊草上看散子高低以卜

水增在

四月二十八日小分龍當雨不雨謂之分嬾龍少雨

日煖夜寒東海也乾

佛生日晴有菓子

五月

芒種逢壬便立梅

初一日雨落人喫百草

初一雨落井泉浮初二雨落井泉枯初三雨落連太

湖

重午雨落絲綿貴重午日蓬乾農人喜歡

雨打梅頭無水洗牛雨打梅額井底開折

黃梅寒井底乾

夏至未過水袋未破

夏至要東南風晴是白抄風

梅裏一日西南時裏三日潭潭時裏一日西南却准

梅裏二日雨

迎梅一寸送梅一尺

梅裏雷低田折舍歸

梅裏一聲雷時中三日雨

黃梅天日多幾番顛

夏至端午前叉手種年田

迎梅雨送時雷送了去永不回

冬青花未破黃梅雨未過冬青花已開黃梅雨便來

夏至有雲三伏熱夏至不要日暈有暈有水無暈無水

冬青花不落乾地

夏至前鴿鳩叫有車箇再喫無車箇笑

夏至日雨落謂淋時雨主久雨

夏至前蟹上岸夏至後水到岸

時裏西南老鯉奔潭無雨

二十日大分龍要續

夏至日得雨其年必豐

夏至日箇雨一點值千金

朝西暮東却正是旱天公

五月大種瓜不過唾

夏至日西南急風急沒慢風慢沒

五月水種秧必須早

船解風雲起早魁精空歡喜仰面看青天頭巾落在

麻林裏

二十兩落二十一蠶拔子黃秧便種豆

夏至日莫與人種秧冬至日莫與人打更

小暑日雨落黃梅顛倒轉

端午日雨來年大熟

分龍之日農家於是日早以米篩盛灰籍之地至晚視之若有雨點迹則秋不熟穀價高人多閉糶

六月

六月初一一劑雨夜夜風潮到立秋

六月初三晴山篠盡枯零

六月不熟五穀不結

六月蓋夾被田裏不生米

六月西北風主稻秕穀凶

六月無蒼蠅新舊米相登

六月旦日值夏至歲多饑饉餓

伏裏西北風臘裏船不通上大
水凍

六月西風吹遍草八月無風秕子稻

處暑雨不通白露在相逢

三伏中大熟冬必多雨雪

螳螂蟬斗稻生芒

夏末秋初一劑雨賽過唐朝萬斛珠

陰陽書言從夏至第三庚為初伏第四庚為中伏立

秋後初庚為末伏故謂之三伏

七月

七月秋晴到秋六月秋便罷休

朝立秋暮颼颼夜立秋熱到頭

立秋日要西南風主稻禾倍收三日三石四日四石
立秋日天氣清明萬物多不成熟

七夕天河去探米價回快米賤回遲米貴

立秋日雷名秋躡躡損晚禾亦云秋霹靂主晚稻稔

七月十五日簪竿生日俗語十四日簪竿生日

七月十六雨名洗鉢雨

八月

八月初一日晴連冬旱

雨好種大小麥并薑

分社合日並田叫屈分了社穀米遍天下社了分穀
米如錦墩

八月十一日無橫降雨水起好種麥來年水少

白露前是雨白露後鬼

白露日屬火難種菜蔬

白露號天收若有雨則損穀謂之苦雨成露落若稻

遇之則白殺蔬菜遇之則苦

社了分穀米不出村分了社穀米如苔鮮

秋分在社前斗米換斗錢秋分在社後斗米換斗豆

八月十一日作水則子在水邊占來水旱水不到則子無水未過則子有水

田怕秋旱人怕老窮

早禾怕北風晚禾怕南風

立春立秋後第五戌為社也

立秋四日下水便是硬漢

三卯三庚麥出低鄉三庚二卯麥出拗巧

麥出高鄉

九月

重陽無雨一冬晴

重陽濕漉漉穰草千錢米

土歸荒

重陽看風色東北風石崇口內風萬物盡結實

北風范丹口內風實是無教獎

十月

十月無壬子留寒待後春

初一日東北風雨太公

十月雷人死耙兒推

十月雷內霧主來年五月內有水

二百單
五日至

賣綿絮婆婆只看十月朝無風無雨哭號咷

細曆推要
立冬日晴主有魚

十一月

冬至後三戌入臘

冬至風與夏至相對

冬至前米價長貧兒受長養冬至前米價落貧兒轉

消索

要知下年閏且看冬至後幾日剩

清臺占法云冬至後一日得壬炎旱千里二日得壬

小旱三日得壬平四日得壬五穀豐五日得壬少水

六日得壬大水七日得壬河決流八日得壬海番騰

九日得壬大熟十日至十二日得壬五穀不衣

十二月

兩春夾一冬無被煖烘烘

臘雪是被春雪是鬼

若要麥見三白

十二月裏霧無水做酒庫霧主半月旱准十月內五

日霧

除夜東北風五禾大熟

除夜犬不吠新年無疫癘

冰結後水落主來年旱冰結後水漲名上水冰主水

若繁厚來年大水

雜占

生逢本命壽增一紀

春甲子雨乘舩入市夏甲子雨赤地千里秋甲子雨

水頭生耳冬甲子雨飛雪千里

巳亥庚子巳巳庚午謂之水土有雨

甲日雨下乙日晴乙日雨下十日陰

庚辛相拗寅卯不同色

久晴不雨且看戊巳久雨不晴且看丙丁

久晴逢戌雨久雨望庚晴

壬子日雨主灶荒

風急雨落人急客作

上火不落下火滴劇

四季壬子要晴此日有雨名水生日春人無食夏牛

無食秋鳥無食冬魚無食又名小竈荒

東風急備蓑笠

荒年無六親早年無鶴神

太婆年八十八不曾見東南陣頭發

明星照爛地天亮必有雨

日沒胭脂紅無雨必有風

月暈主風日暈主雨

東鸞晴西鸞雨對日鸞不到晝

朝出曬殺暮出沒殺

蚯蚓

日頭楚雲障晒殺老和尚

月生兩耳斷風絕雨

日落西方雲明朝雨紛紛

雨打五更日曬水坑

朝看天頂穿暮看四方懸

烏雲接日明朝不如今日

日落雲裏走雨落半夜後

乍啟晝沒啟齋下晝雨濟濟

南耳晴北耳雨

病人怕肚脹雨落怕天亮

一個星保夜晴

朝看東南晚看西北

三月桃花水五月黃梅水六月賊水八月橫降水

甲午旬中無燥土

未雨先雷船去步歸

當頭雷無點雨

夾雨夾雪無休無歇

日沒烏雲半夜囂明朝得背皮焦

月照後壁人喫狗食

西南陣經過落三寸

月如仰瓦不求自下月如彎弓少雨多風

火老鴉含水叫未晴亦主雨晝陰名哭水鳥

旱年只怕沿江跳水年只怕太湖紅

河東西好仗犁河射角好夜作

春寒雨夏寒晴

雲行東車馬通雲行西脚踐泥雲行南水平潭雲行

北好晒穀

冬壬寅夏甲申有雨米貴

月子側水無滴月子仰水漾漾

一點雨似箇釘落到明朝也不晴一點雨似箇泡落到明朝也不了

春寒秋熱蘇杭雨浙

大寒無過丑寅大熱無過未申

槐熟宜來歲麥棗熟當年禾

冬無雪麥不結

鶴神上天過羊晴下地過牛無雨晴

鶴神轉方食春喫瘟癘夏喫水秋喫稻禾冬喫米

論月初始生前月大盡初二晚見前月小盡初三晚

見諺云大二小三見月也難

禾稼成雲之時辰日雨生蟲未日雨生蟲

深耕勤種猶有天災惰農自安何以爲生

農人以雪水浸種穀倍收仍不生蟲

十二月間不可使牛耕田蓋天寒冷牛骨跨此日破

此大有損

馬糞曬乾以壟田則肥穀盛

黍稷稻粱禾麻菽粟謂之八穀

秔米新熟者動氣經再年者亦能發病江南人多收

火稻

凡種五穀以長生旺日種者多實尤惡死日種者收薄以忌日種者敗傷又用戌收滿平定日為佳

小豆忌卯稻忌辰禾忌丙黍忌丑麻忌寅米小麥忌戌大麥忌子大豆忌申凡九穀不避忌種多傷敗也

凡種諸豆與油麻大麻等若不及時去草必為草所蠹耗雖結實亦不多

諺云麻耘地豆耘花麻須初生時耘豆花開時耘尚可

種菜豆宜地瘦不宜肥

凡米園上須用一尺厚礮糠蓋之頻頻取出曬乾易之米則不壞

貯麥必烈日曝乾桑熟以蓼剉碎再捲一宿詰朝復曝明朝復曝而藏之免出飛蛾

三川饑有青衣童子曰世人厭棄五穀地司已收其神矣可相率祈謝穀父蠶母當致豐稔

肥田法菜豆為上小豆胡麻次之皆以五月及六月概種之七月八月耕殺之春種穀即一畝收十石其

力與蠶沙熱糞同矣

騰日種麥來年必熟凡種二麥小忌戊大忌子麥屬

陽固宜乾原稻屬陰故宜水澤

小麥不過冬大米不過年

種麥之法土欲細碎溝欲深爬欲輕撒欲勻麥芒殼

也金也金而生火旺而死以來有穗者從久謂之麥

刈麥時必須於烈日中收仍暴乾其穗方可堆積不

然一兩日蒸爛盡化為蛾

穀樹上接桑其葉肥大桑上積梨脆美而甘

撒子種桑根莖雞脚葉薄而蠶薄絲少

白桑葉大如掌而厚得親厚而堅絲美倍常桑葉生

衣而皺者號曰金葉非特蠶蠶不食而木亦將就槁

矣先樵而後葉者葉必少午日不得鋤桑園

浙間植桑斬其桑而栽之謂之嫁桑却以螺殼覆其

頂恐梅雨所浸損其皮故也二年即盛冬雨連綿

戊子日立春高郵豐稔水邊岸一凡

春雨連綿夏雨可畏秋風不厚冬雪難期

庚子日立春低處熟高熟不熟水邊岸

方輿記沙熱糞同父
陽日種麥來年必熟凡種二麥少忌成六品平麥
陽因官氣原宿屬陰故宜木澤
山疾澍雨洩氣其支好也二平甲辰
池間社桑溥其桑而殊之階之殺桑以熟其
突去肆而翁葉米葉也于日不特澹桑風
云而嫩作識以金葉非林盡盡不食而木衣津
白桑葉大破葉而取野雞旱而望絲美甜常桑葉
蠶子吐桑葉莖蠶細葉軟而置軟絲也

探春歷記

漢 東方朔

甲子日立春高鄉豐稔水過岸一尺

春雨如錢 夏雨調勻 秋雨連綿 冬雨高懸

丙子日立春高鄉豐稔水過岸一尺

春雨多風 夏雨平田 秋雨如玉 冬雨連綿

戊子日立春高鄉豐稔水過岸一尺

春雨連綿 夏雨寸岸 秋風不厚 冬雪難期

庚子日立春低處熟高鄉不熟水懸岸寸

春雨來遲 夏雨過時 秋雨平岸 冬雨成池

壬子日立春高低熟水平岸

春雨出鼠 夏雨漸來 秋雨無定 冬雨雪災

乙丑日立春低處稔熟水懸岸一尺一寸

春雨雖勻 夏雨無晴 秋雨如金 冬雨沉沉

丁丑日立春低鄉熟高鄉豆好水懸岸四尺

春雨不息 夏雨均勻 秋雨懸望 冬有乾風

巳丑日立春低鄉熟水懸岸四尺五寸

春雨風雹 夏雨遲遲 秋雨隔日 冬雨無期

辛丑日立春高低豐稔水主平岸

春雨生蟲 夏雨少稀 秋雨霖滴 冬雨風濃

癸丑日立春高低皆熟水主平岸

春雨連夏 夏雨多風 秋雨天晴 冬雨三春

丙寅日立春高低豐稔水懸岸五寸

春雨晴陰 夏雨平傾 秋雨微晴 冬雨連春

戊寅日立春低田豐稔水懸岸四尺

春雨雪風 夏雨田乾 秋雨夏疾 冬雨懸懸

庚寅日立春高低熟水懸一尺三寸

春雨風惡 夏雨雪雹 秋雨如春 冬又雨惡

壬寅日立春高低豐稔水平岸

春雨到岸 夏雨相倍 秋水浩瀚 冬雪不時

甲寅日立春低處豐稔水懸岸六尺

春雨多顛 夏雨乾田 秋雨滴瀝 冬雨高天

丁卯日立春高低熟水懸岸五寸

春雨多風 夏雨無跡 秋雨晴復 冬雨高空

巳卯日立春低鄉大熟高處不熟水懸岸八尺

水懸岸
四尺

春雨如金 夏雨高天 秋雨苗損 冬雪滔滔

辛卯日立春高鄉熟水過岸二尺

春雨連連 夏雨平田 秋雨傷時 冬旱可憐

癸卯日立春高處豐稔水過岸一尺

春雨無限 夏雨低飛 秋雨無限 冬雨難期

乙卯日立春低處豐稔水平岸

春風多雪 夏雨連連 秋稔霖霖 冬雨雪傾

戊辰日立春高低豐稔水平岸

春雨隔日 夏雨連綿 秋雨風雹 冬雨連連

庚辰日立春高低大熟水懸岸九寸

春雨滴瀝 夏雨平岸 秋田又雨 冬水極濃

壬辰日立春高處好施工水過岸一尺二寸 別本水懸

岸一尺二寸

春雨有風 夏雨流傾 秋雨黃梅 冬雨風惡

甲辰日立春高低豐稔水平平

春雨霖滴 夏雨相隨 秋雨不返 冬雨低微

丙辰日立春低鄉熟水懸岸六尺

春雨如金 夏雨大作 秋雨風高 冬雨到年

巳巳日立春低豐稔高處旱水懸岸四寸

春雨過岸 夏雨不多 秋雨多沒 冬雪雨多

辛巳日立春高處豐稔水過岸六寸

春雨調勻 夏雨平傾 秋雨風作 冬雪沉沉

癸巳日立春高鄉好水懸岸一尺

春雨均勻 夏雨低岸 秋雨高天 冬雨微暖

乙巳日立春高鄉大熟水平岸

春雨不時 夏雨平池 秋雨湛溥 冬雪前知

丁巳日立春低鄉豐稔水懸岸五尺

春雨不落 夏雨無多 秋雨無滴 冬雨生波

庚午日立春高處豐稔水懸岸二寸 冬雪濃霜

春雨平岸 夏雨傷苗 秋雨少吉 冬雪濃霜

壬午日立春高低盡熟水懸岸五寸 冬雪無形

春雨無數 夏雨傷田 秋風多雨 冬雪無形

甲午日立春高低豐稔水平岸 冬雪無形

春雨雪落 夏雨連梅 秋風小雨 冬雨雪疫

丙午日立春低田大熟水懸岸三尺五寸 冬雪難積

春雨人疫 夏雨微微 秋雨淋淋 冬雪難積

戊午日立春低處得熟水懸岸五尺 冬雪難積

春雨不多 夏雨平池 秋雨相連 冬雪寒多

辛未日立春高鄉少熟水懸岸一尺三寸 冬雪懸懸

春雨不至 夏雨顛風 秋雨過岸 冬雪懸懸

癸未日立春高低豐稔水懸岸三寸 冬雪連春

春雨累日 夏雨平勝 秋雨多疾 冬雪連春

乙未日立春低鄉豐稔水懸岸一尺五寸 冬雨如秋

春雨調勻 夏雨損霖 秋雨雪雹 冬雨如秋

丁未日立春高下大熟水平岸 冬雨如秋

春雨多病 夏雨浪滴 秋雨如梅 冬雨雪疫

巳未日立春高低得熟水懸岸五寸

春雨迢遙 夏雨連秋 秋雨微少 冬雨雪少

壬申日立春高鄉大熟水懸岸五寸

春雨均勻 夏雨過田 秋雨暗傷 冬雨高天

甲申日立春高鄉豐稔水平岸

春雨多疫 夏雨平田 秋雨平岸 冬雨乾寒

丙申日立春低處得熟水懸岸四尺

春雨微微 夏雨風西 秋雨難保 冬雹雪雷

戊申日立春高低豐稔水平岸

春雨調霖 夏雨過梅 秋雨風水 冬雪成堆

庚申日立春低處熟水懸岸四尺

春雨中少 夏雨平流 秋雨微微 冬雨風急

癸酉日立春高低豐稔水平岸

春雨多雷 夏雨平岸 秋雨透岸 冬雨高天

乙酉日立春低處熟水懸岸四尺

春雨無風 夏雨天陰 秋雨平田 冬雨不息

丁酉日立春高低盡熟水平岸病多死人

春雨全無 夏雨過連 秋雨風惡 冬雨少微

巳酉日立春高低大熟水平岸

春雨無風 夏雨到梅 秋雨淋漓 冬雨依依

辛酉日立春低處得熟水懸岸二尺

春晴少雨 夏雨調澤 秋雨平傾 冬雨雪多

壬戌日立春低處豐熟水懸岸五尺

春雨高天 夏雨懸懸 秋雨蟲損 冬積雪團

戊戌日立春高低大熟水懸岸一尺

春雨應時 夏雨高危 秋雨風惡 冬雨雪稀

庚戌日立春高低盡熟水過岸一尺

春雨不風 夏雨濛濛 秋雨霑潤 冬雨無踪

壬戌日立春高鄉豐稔水過岸

春雨不時 夏雨平田 秋雨不降 冬雨多連

乙亥日立春高鄉熟水過岸一尺

春雨連夏 夏雨連秋 秋雨播岸 冬雨災憂

丁亥日立春高鄉熟水過岸一尺

春雨時作 夏雨風電 秋雨連綿 冬雪泡凍

巳亥日立春高處豐稔水平岸

春雨人疾 夏雨淋漓 秋雨依依 冬雨雪電

辛亥日立春高鄉豐稔低處滄没水平岸

春雨低微 夏雨過池 秋雨雪電 冬雪些兒

癸亥日立春高低豐熟水懸岸一尺

春雨均勻 夏雨低田 秋雨漸漸 冬暖高天

春雨不報 夏雨不報 秋雨不報 冬雨不報

春雨不報 夏雨不報 秋雨不報 冬雨不報

春雨不報 夏雨不報 秋雨不報 冬雨不報

春雨不報 夏雨不報 秋雨不報 冬雨不報

田家曆

吳郡程羽文

正月

豎籬落

糞田

開荒

修蠶屋

織蠶箔

造桑機

造麻鞋

春米 此月人開

築墻

二月

栽柳

舒蒲桃上架

解粟裹縛

云石榴裹縛

造醬

是月合為中時

寒食前後收柴炭

造布

浣冬衣

採桑蠶蛸

三月

利溝瀆

葺垣牆

治屋室以待霖雨

脫擊

移茄子

造酪

是月牛羊飽華好造也

四月

收蔓菁芥蘿蔔等子

收乾椹子

鋤葱

收乾笋藏笋

四月伐木不蛀

修防防開水竇

正屋漏以備暴雨

五月

灰藏毛羽物

種須人臥不臥晴則曬帚掃

收蠶種豌豆蜀芥胡安子

六月

命女工織紬絹
收芥子 後中秋

收花藥子 便種
收李核 種便

收苜蓿
收槐花 曝乾

斫竹 此月及八月不蛀
漚麻

曬氈褥書裘
種小蒜 同七月

蘿蔔

七月

收楮子
浣故衣制新衣作夾衣以被

始涼
刈蒿草

種蜀芥
分薶

漚晚麻
耕菜地

收荷葉陰乾

拭漆器五月至此月盡經雨後漆器圖畫箱篋須

曬乾則不損
收瓜蒂

收蒺藜 同八月

八月

收薏苡
收角蒿

收葑花
收胡桃

收棗子

開蜜

下旬造油衣

收油麻秫江豆

備冬衣

刈莞葦

九月

收豕

收皂角

同十月

貯麻子油

採菊花收木瓜

備冬藏儿蔓菁荏蓼韭輩脆美而不耐停若旱園菜稍硬停得直至二月

十月

築垣牆埴北戶

縛薦

遮掩牛馬屋

收槐實梓實

收牛膝地黃

造牛衣

盤瘡蒲桃

包裹栗樹石榴樹不爾即凍

死

收諸般穀種大小豆種

十一月

貨薪柴綿絮

伐木取竹箭此月堅成

造什物農具

折麻放麻

刈蒿棘

貯年支草於隙地至六月及

秋霖時俱利倍

十二月

造車

貯雪水

收臘糟

糞地

刈棘屯膾

造農器

收羔種

收牛糞

農家諺

漢 崔寔

二月昏參星夕杏花盛桑葉白

河射角堪夜作犁星沒水生骨

麻黃種麥麥黃種麻夏至後不沒狗

但雨多沒橐駝五月及澤父子不相借

子欲富黃金覆

羸牛劣馬寒食下

貸我東蓄償我白梁

智如禹湯不如常耕

鋤頭三寸澤

富何卒耕水窟貧何卒耕水窟

耕而不勞不如作暴

日沒臙脂紅無雨也有風

乾星照濕土明日依舊雨

雲行東寒星過雲行西馬濺泥雲行南水漲潭雲行

北好晒

哉

上不用免

一步歸

鴉浴風鵲浴雨

春甲子雨乘船入市夏甲子雨赤地千里秋甲子雨

禾頭生耳冬甲子雨雪飛千里

上火不落下火滴洒

黃梅寒井底乾

稻秀雨澆麥秀風搖

雨打梅頭無水飲牛

黃梅雨未過冬青花未破冬青花已開黃梅雨不來

又云冬青花不落濕沙

船舩風雲起早魁深歡喜

俗事方

錢唐瞿祐

調珠點書法

銀硃入藤黃以水研勻勝於用膠

又法

肥皂子煨熟取黑皮及內第二重白皮置硯中水浸與膠不殊而不臭

又法

用豆乳研硃點久如新

收書法

未黃梅雨前晒入櫃以紙糊縫勿令通風卽不蒸

收畫法

未黃梅雨前晒極燥方捲入匣糊匣縫過梅方開匣
用杉木梓木外漆內不要漆

洗故書畫法

將書畫鋪平案間取水勻噴濕復整令四面平帖用
馬尾羅羅寒水石末一錢厚再濕噴又羅炭灰一錢
厚如前候半時辰以溫水衝起如有污處取燈心楷

之如墨污須候一兩時方以溫水衝起

烘書畫法

凡書畫久不展須以軟帛先拭去白醭然後就火展
若不拭便烘則醭跡堅漬再不去

收筆法

以水畧浸濕蘸輕粉少許手捫筆頭令勻入心眼乾
收之最佳或用雄黃能折筆鋒椒末生網虫苦苣汁
不能久前項最良也

收墨法

熟艾包裹梅月置石灰中

洗硯法

每用蓮蓬或半夏切平擦之草紙亦可

補破硯法

就硯底以刀刮細末用黃蠟火中煨令勻須火中安
排以補損處一色且牢

耐點燭

黃蠟

松脂

槐花

各一斤

浮石

四兩末

右一處溶用燈心布澆一晝夜僅點一寸

雨燭

蜀葵蘸風雨中不滅

宿火炭

好胡桃一个燒熟熱灰擁三五日不絕

封書蠟

黃蠟一兩入鬱金細末着色深淺同熬濾去滓入明
淨膠香兩皂子大再熬動用蘸書即不透紙

讀書燈

香油一斤入桐油三兩耐點又避鼠耗以鹽置盞中

省油以姜擦盞邊不生暈

油書牕

以皮紙糊牕訖用桐油白水等分打勻刷之雨不透
日明刷用鷄羽

印色

銀硃一兩明礬硫黃各二大用熟艾包裹生絹袋皂
角油煎令濕用之

又法

真麻油半兩入草麻子十個去壳槌碎同熬草麻黃

黑色去之將油拌熟次令乾濕得中却入銀硃隨意
多少但紅為度勿用物襯隔自然不沾更不醜醜錐
久不壞

洗古銅器

先將銅器以水浸洗拭乾用搗羅過極細灰末遍擦
以硬靴刷刷之然後用綿楷擦出色

磨古劍

磨劍勿用水及麓石當用香油就細石上慢磨去鏽
却用打鉄爐傍打下鉄花三兩入水炭一兩水銀一

錢同爲細末糝劍上以布片蘸油耐久磨令光綿拭
淨以酥塗掛壁間

磨古鏡

以猪羊犬龜熊五物膽各陰乾合和爲末以水濕鏡
粉藥在上覆向地上不磨自明

磨鏡

鹿頂骨 燒灰

白礬 枯

銀母砂 各等分

右爲細末和勻先以磨鏡者磨淨却以此磨令光
一次可過一年

刷紫斑竹

蘇木二兩剉碎水二十盞煎至一盞以下去滓入鉄
漿三兩同熬少時磁器收用

染木作絳真色

大黃濃煎汁刷上晒乾又刷此五七次用石灰淹之
乾則用水調勻色成擦去其灰

染花梨木色

蘇木濃汁刷三次其後一次趁濕糝上石灰良久拭
去色成若梅木只用水濕以灰糝之

修點石屏

凡石屏中有形象欲修處用龜屎研墨補其黑

光玉器

細氈絲布包猪牙皂角末楷之有裂以酥潤之

煮銅器令白色

解鹽白礬各二兩硝磺各一兩銀末五銖礪砂半兩礪砂三銖入玉鍋內着水煮之

硬錫法

錫器以礪砂白礬硃膏鹽煮之其硬如銀

洗毛衣及氈法

猪蹄瓜煎湯乘熱洗之污穢即去

洗蕉葛法

清水採梅葉洗其衣不脆或以梅葉泡湯洗之亦可

洗羅絹法

凡羅絹衣稍垢便摺置桶中溫泡皂莢湯洗之頓翻轉且浸且拍垢膩出盡却過別器以溫湯浸之又拍勿展開徑搭竹竿上候水滴絕乃展開穿眼不漿不熨候乾摺藏

洗彩色法

凡洗彩色垢衣先用牛膠水浸半日了溫湯洗之

洗白衣法

白苧蒲用銅竹刀薄切爆乾作末先於盆內用水攪了將衣擺之垢膩自脫皂角不如

又法

煮蘿蔔汁洗

洗皂衣法

濃煎梔子湯洗之

洗黃泥污衣法

生薑汁揆了以水擺去之

洗油污衣法

滑石天花粉不拘多少爲末將污處以炭火烘熱以末糝振去之未盡再烘再糝甚者不過五度

又法

以蚌粉厚糝污處以熱熨斗坐糝處卽去

又法用蜜洗之

洗油污書畫法

海漂蛸滑石各二分龍骨一分半白堊一錢共爲細末用紙如汚衣法熨之大凡汚多時已乾者仍以油漬迹大不妨否則以水浸一宿絞乾用藥亦可

洗漆汚衣法

杏仁川椒等分爛研楷汚處淨洗之

洗墨汚衣法

杏仁去皮尖茶子等分爲細末糝上温湯擺之洗字則壓去油羅極細糝字熨之

又法

以新採天南星就絹上磨墨染卽換頻楷自去

又法以白梅搥洗之

洗蟹黃汚衣法

用蟹中腮楷之則去

洗血汚衣法

用冷水洗之卽去

取錯字

蔓荊子 二錢

龍骨 一錢

相子霜 五分

定粉 少許

右同爲末點水字上以末糝之候乾卽拂去

洗象牙器物

木賊子令軟擦之却以甘草湯洗之

又法

以梅煮湯洗之插芭蕉樹中二三日出之如新

洗油浸珠法

以鷺鴨矢晒乾燒灰熱湯淋澄汁絹袋盛珠洗之

洗赤蕉珠

木樨子皮熱湯泡水洗了研蘿蔔汁淹一宿卽白

洗刀法

鐵皮杉木炭鉄豔粉爲細末以羊脂炒乾爲度用之
擦刀光如皎月

洗油帽法

以芥末打成膏糊上候乾以冷水淋洗之

洗簪梳上油膩法

新瓦盛新石灰以油漬物揮灰中烈日暴之翻滲去
油候淨洗之爲佳

洗缸餅臭者

先以水再三洗淨却以銀杏搗碎泡湯洗之

洗衣香

牡丹皮 一兩

甘松 一錢

右搗為末每洗衣最後澤水入一二錢

薰衣香

丁香 箋香

沉香

檀香

射

各一兩

甲香

三兩

右為末煉蜜濕拌入罈一月

除頭上白屑方

側柏葉 三片

胡桃 七個

訶子 五個

消梨 一個

右同搗爛用井花水浸片時搽頭永不生屑

洗頭方

胡餅 菖蒲 搥子皮 皂角

右同搗碎漿水調團如毬子大每用炮湯洗頭去

風清頭目

梳頭令髮不落方

側柏葉 兩大

胡桃 去壳 二個

榧子 三個

右同研細以擦頭皮或浸水常搽亦可

乾洗頭去垢方

以藁本白芷等分爲末夜擦頭上次早梳自去

治婦蒜髮方

乾柿煎茅香湯煮 枸杞子酒浸焙

右爲末每空心下五十九

取麝方

桑灰 柳灰 小灰 陳草灰 石灰

右五灰用水煎濃汁入麝醋點之

治狐臭方

以白灰用隔一二年陳米醋和傅腋下

女兒撥脚軟足方

乳香 杏仁 砒硝 桑白皮

右先以餅水煎杏桑了旋下砒硝乳香架足餅口

薰待温傾出浸洗

遠行令足不繭疼方

防風 細辛 草烏 一方用藁本

右爲細末糝鞋底草屨則以水沾之

洗浴去身面浮風方

煮芋汁洗忌見風半日

辟蟻

凡器物用肥皂洗抹布抹之則蟻不上

辟諸虫

鰻鱺魚燒之辟諸虫藏其骨皮去衣蛙虫及白魚

治壁虫

蕎麥藁作薦可除

治蠅

煎甘草湯放冷使食則脹死

治蚊

五月五日取田中紫萍晒乾取伏翼血潰之又晒又潰數次爲末作香燒之大去蚊蚋

引竹過牆法

竹根所及處埋死猫或狸卽過

袖中錦

太平老人

天下第一

監書內酒端硯洛陽花建州茶蜀錦定麓浙添吳紙
 晉銅西馬東絹契丹鞍夏國劍高麗祕色興化軍子
 魚福州荔眼温州掛臨江黃雀江陰縣河豚金山鹹
 鼓簡寂觀苦筍東華門把鮓右兵福建出秀才大江
 以南士大夫江西湖外長老京師婦人皆為天下第一
 一他處雖效之終不及

三出

鳳州三出手柳酒宜州四出漆栗筆蜜

嶺南節

嶺南所重之節臘一伏二冬三年四

峽舟三字

川人雇舟出峽有二字新輕卓

卓謂不攬客貨

京婦美陋

京師婦人美者謂之搭子陋者謂之七蓋搭子者女傍着子為好字七者謂其不成婦女也七字不成女

字

二妙

蘇州兒越州女

四禁

中書四禁一曰漏洩二曰稽緩三曰遺失四曰忘誤

知酒法

知酒美惡法但以手扣其罈其聲清而長者其酒必佳聲重而短者其酒苦聲不響其酒必壞

老人十拘

補中錄
老人有十拗白日頓睡夜間不交睫哭則無淚笑則
泣下三十年前事總記得眼前事轉頭忘了喫肉肚
裏無總在牙縫裏面白反黑髮反白

帶子之人

常言帶子之人性多毒忽戲之恐招悔吝如眼子缺
子跛子之類是也

少見三兒

世間少見三兒謂麻面老兒禿髻凸肚乞兒

四事不可久

世間四事不可久恃春寒秋熱老健君寵

古所不及

章相言近世有古所不及者三事落花建茶婦人脚

盜有三畏

盜者有常語曰不怕你鐵牆鐵壁只怕你惡犬健人
偷兒云夜入人家有三畏一畏有老人二畏有牙兒
三畏乳犬如金銀物在大櫃有鐵鈕賊不能入

唐畿尉六道

唐畿尉有六道入御史爲佛道入評事爲仙道人赤

縣爲人道入畿丞爲苦海入縣令爲畜生道入判司爲餓鬼道

四妖

世有四妖宮殿高侈謂之土木之妖珠璣錦繡謂之服飾之妖洛中牡丹維揚芍藥謂之花妖婦人美色能文翰謂之人妖。

仕宦三還

仕宦改官後有三還教官改秩作縣爲還俗職官後作縣爲還債作令了作縣爲還魂

四忌

人有四忌一日之忌暮無飽食一月之忌暮無大醉一歲之忌暮無遠行終身之忌暮無燃燭行房也

鷄有五德

鷄一名燭夜一名司晨有五德頭有冠象文足有距象武遇敵則鬪象勇得食相呼象義鳴不失時象信也

易爲美

婦人三上三中三下皆易爲美牆上馬上樓上旅中

醉中日中月下燭下簾下

仕宦五瘴

出宦有五瘴急催暴斂剝下奉上名曰賦租之瘴深
。舉以逞善惡不白名曰刑獄之瘴昏晨酣宴弛廢王
。器右曰飲食之瘴侵牟民利以實私儲名曰貪財之
。盛畜侍妾以娛聲色名曰帷薄之瘴

一 瘴五絕

入篆晉字唐詩宋詞堯曲

二 賤

明州有三賤燒底賤着底賤喫底賤或問其故曰燒
底是燈草着底是草鞋喫底是鹽

三 薦

有人嘲小邑市云茶店湯瓶不曾薦客店床上無柴
薦大街上好放薦

物類相感志

宋 蘇軾

總論

磁石引針 琥珀拾芥 蟹膏投漆漆化為水 皂
 角入竈突烟煤堅 胡桃燒灰可藏針 酸漿入盂
 水垢浮 滑石去衣油乾麩相與作 燈心能細乳
 香 櫃子能軟甘蔗 撒鹽入火炭不濕 用鹽搗
 椒椒味好 川椒麻人水能解 胡桃煮臭肉不臭
 瓜得白梅爛 栗得橄欖香 猪脂炒榧皮自脫

物類相感志

韶粉和梅牙不酸 芽茶得鹽不苦而甜 井水

蠟黃沙淋而清 石灰可以藏鐵器 艸索可以祛

青蠅 夏月熱湯入井成冰 藁湯洗杯青蠅不來

燂炭斷道行蟻自回 油殺諸蟲亦殺蠮螋 狗

糞中米鴿食則死 桐油入水池荷死 江茶入水

池菱枯 粉蠹畏椒 蜈蚣畏油 松毛可殺米蟲

麝香能祛壁虱 馬食雞糞則生骨眼 蒼蠅叮

蠶則生肚蟲 三月三日收薺菜花置燈擎上則飛

蛾蠹蟲不投 五月五日收蝦蟆能治瘡疾又治小

兒疳 春日火烟青冬日火烟黑 香油抹烏龜眼

則入水不沉 唾津抹蝴蝶翅則當空高飛 烏賊

過小滿小青梅過小滿黃 蠶過小滿則無絲蜀葵

過小滿則長 乳香久留能生舍利 松根年久則

生茯苓 橘樹不宜肥 枇杷不宜糞 羚羊角能

碎佛牙 人髮根可粘起舍利 銀杏能醉人 胡

桃能碎錢 柿煮蟹不紅 橙合漿不酸 綠橘過

江北為枳 麥得濕氣則為蛾 麩見肥皂則不就

韃靼見酒駱駝見柳 荆葉逼蚊蟲臺葱逼蠅子

酒能發香藕皮散血 津唾可溶水銀末茶可結
 水銀 鶴知子午猫眼亦能 清明標條可止醬醋
 潮溢 芝蔴其燒烟熏紙被不作聲 榧子煮素羹
 則甜 薄荷去魚腥 葶薺煮銅則軟甘艸煮銅則
 硬 芒種日螳螂一齊出 九月九蚊子嘴生花
 燕畏艾人 蝎畏蝸牛 磬畏茈茹 斧怕肥皂
 螺螄畏雪 落蟬怕霧 河豚殺樹狗膽能生 蜘蛛
 申日能越燕子戌日不歸家 燈心能煮江鰕
 麻葉可逼蚊子物類相感如斯而已

身體

身上生肉丁芝麻花擦之
 飛絲入人眼而腫者頭上風屑少許揩之一云珊瑚
 尤妙
 人有見漆多為漆氣上騰着人而生漆瘡用川椒三
 四十粒搗碎塗口鼻上則不為漆所害
 指甲中有垢者以白梅與肥皂一處洗則自去
 彈琴士指甲薄者用僵蚕燒烟熏之則厚
 染頭髮用烏頭薄荷入綠礬染之

食梅子牙軟喫藕便不軟一用韶粉擦之

油手以鹽洗之可代肥皂一云將順手洗自落

脚跟生厚皮者用有布紋瓦片磨之

衣服

夏月衣蒸以冬瓜汁浸洗其跡自去

北絹黃色者以雞糞煮之卽白鴿糞煮亦好

墨污絹稠牛膠塗之候乾揭起膠則墨隨膠而落凡

絹可用

血污衣用溺煎滾以其氣熏衣一宿來日洗之則白

綠礬百藥煎污衣服用烏梅洗之

鞋中着樟腦去脚氣用椒末去風則不病冷

洗頭巾用沸湯入鹽擺洗則垢自落一云以熱酒汚

擺洗亦妙

槐花汚衣者以酸梅洗之卽去

蠟靴用黃蠟四兩以二兩粘瀝菁入蠟均用

縮作木綿夾裏用杏仁漿之則不吃縮

伏中裝綿布衣無綿珠秋冬則有以燈心少許置綿

上則無珠也

紙被舊而毛起者將破用黃蜀葵梗五七根槌碎水浸涎刷之則如新

笠子油污或汗透者以烏頭煎濃湯洗之

茶褐衣段發白花點者以烏梅煎濃湯用筆塗發處立還原色

酒醋醬污衣藕擦之則無跡

梅蒸衣以枇杷核研細爲末洗之其斑自去

皂襪以生芋擦之則耐久而不蛀

紅莧菜煮生麻布則色白如雪

楊梅及蘇木污衣以硫黃烟熏之然後洗其紅自能落

油污衣用炭灰熨之或以滑石擦熨之

墨染衣帶濕以油浸透須用炭汁擺之

衣裳蒸壞先以水浸濕次用蘿蔔汁洗之

洗墨污衣用杏仁細嚼擦之

飲食

炙肉以芝蔴花爲末置肉上則油不流

積弊久留則沙見燈亦沙治法用皂角一寸置瓶下則不沙

煮老鷄以山裏果煮就爛或用白梅煮亦好枳實煮魚則骨軟或用鳳仙花子

醬內生蟲以馬艸烏碎切入之蟲即死

糟茄入石綠切開不黑

糟薑餅內安蟬殼雖老薑亦無筋

煎白腸用百藥末臨熟撒之則香脆

煮魚羹臨煮熟入川椒多則去鯉

食蒜令口中不臭用生薑棗子同食

煮菱要青用石灰水拌過先洗去灰煮則青

煮蟹用蜜塗之候乾煮之則青

酒中火焰以青布拂之自滅

做飯入朴硝在內則自各粒而不相粘

米醋內入炒鹽則不生白衣

用鹽洗猪臟膂子則不臭

煮鷄子令一層層熟相間者以火煮令一著一滅頻炒動則層層熟入去

做魚鮓用礬鹽淹去涎洗淨如魚鮓法造

凡雜色羊肉入松子則無毒

藕皮和菱米食則軟而甜

研芥辣用細辛少許與蜜同研則極辣

晒葫蘆乾以藁本湯洗過不引蠅子

桃花飯做飯了以梅紅紙盛之濕後去紙和勻則紅

白相開

酒中置茄子柴灰則酒到夜成水

楊梅核與西瓜子用柿子漆祖拌了晒乾自開只揀

取仁

鴨蛋以礬砂画花及寫字候乾以頭髮灰汁洗之則

黃直透肉

乳齋淘用乳餅醬內妙

灌肺用蒲萄汁洗後入灌物永不老

煮銀杏栗子用油紙擦在內則皮自脫

臘肉內用酒脚醋煮肉紅酒調羹則味甜

夏月魚肉內安香油久亦不臭

紅糟酸入鴨子與酒則甜

用蘿蔔梗同煮銀杏不苦

酒漿面上不見人影不可食

日月蝕時飲損牙

銅器內不可盛酒過夜

煮芋以灰煮之則蘓

煎鹽盆中能煮飯不攪動則不鹹也

樵子與甘蔗同食其查自軟如紙一般

花鹹可煮肉易爛

蘿蔔解醬豆腥蘸醬喫不噁

煎血入酒糟不出水

晒肉須油抹不引蠅子

麩夏月易壞用白湯燂過自然如初

食荔枝多則醉以殼浸水飲之則解

做灰鹽鴨子月半日做則黃居中不然則偏一云月

中做

韶粉去酒中酸味赤豆炒過入亦變

爛橄欖研細燒團魚甚香

荷花蒂煮肉精者浮肥者沉

煮紅鴨子以金柵根同煮白皆紅

天落水做飯白米變紅紅米變白

飲酒欲不醉服礪砂末

喫栗子於生芽處咬破些吹氣一口剝之皮自脫竹

葉與栗同食無相

茄柴灰可淹海哲

寸切稻艸可煮臭肉其臭皆入於艸內

煮燒肉用朴硝仍貫氣在肉內

冬瓜切動未喫盡者三五日皆爛以石灰糝之則不

爛

淹鹹蛤蜊以蘆灰入鹽鹹之味好且不开口要即熟

則在日中晒

糟酒醬蟹入香白芷則黃不散

水蘿蔔油及鹽蟄內做甘露子則不黑以細篾穿之

易取

煮麵令湯清北方用花鹽南方用糠醋撮

煮猪脂及血臟羹不可入椒同煮作猪糞氣臨熟後

入就起

煮老鶩不爛就竈邊取瓦一片同煮即爛如泥羊亦然

喫西瓜喫子不噉

喫蟹了以蟹鬚洗手則不腥

新煮酒灰氣者開時入水一盞

豆油煎豆腐有味

籬上舊竹篾縛肉煮則速靡

餛飩入香蕈在內不噉

器用

商欺銅器以肥皂塗之燒赤後入梅鍋爍之則黑白

分明

黑漆器上有朱紅字以鹽擦則作紅水洗下

油籠漆籠漏者以馬屁亭塞之即止

柘木以酒醋調礬灰塗之一宿則作間道烏木

漆器不可置蓴菜雖堅漆亦壞

棗木作匙者為其不餽及不粘飯也

熱碗足盪漆卓成跡者以錫注盛沸湯衝之其跡自

去

銅器或鍮石上青以醋浸過夜洗之自落

琴阮無聲者乃舊而膠解也宜用沙湯洗之

針眼割線者宜用燈燒眼

錫器黑垢上用燂鷄鶩湯洗之

酒餅漏者以羊血擦之則不漏

碗口上有垢用鹽擦之自落

水焯炭缸內夏月可凍物

刀子銹用木賊草擦之則銹自落

以皂角在竈內燒烟鍋底煤并突煤自落

肉案上抹布猪膽洗之油自落

焯炭餅中安猫食不臭夏月亦不臭

藁本湯布拭酒器并酒卓上蠅不來

燭心散以線縛之

鮮桶漏用醋調合粉泥之

呵鏡子以津唾画鏡令乾呵鏡自見

燈剪用無名異塗之剪燈則燈自斷

梓木爲舟起蜃

香油蘸刀則刀不脆

琉璃用醬湯洗油自去

椒木作播槌不臭且香

鐵鏽以炭磨洗之鈍以乾煇炭擦之則快

泥瓦火煨過作磨石

藥品

甘遂麩裏煮熟毒自去

服茯苓勿食醋

鉛白煎霜入蜜中煎炒

瘡藥中用硫黃氣者以竹葉燒烟薰之則不臭

生地黄乾土培之不爛

巴豆大黃同用則反不能瀉人

研乳香為末口念玄胡索

稻草煮香附子不苦

草烏切碎同米作飯喂雀兒盡皆醉倒

收大黃葉鋪薦上去辟虱

服丹石不可食蛤蜊腹中結痛病

疾病

生瘡毒未愈不可食生薑鴨子則肉突出作塊

喫茶多令人黃

蜂叮痛以野苧菜搗傅之

故牕紙治鼻衄

文房

研墨出沫用耳膜頭垢則散

臘梅樹皮浸硯水磨墨有光彩

礬水寫字令乾以五倍澆之則成黑字

絹布上寫字用薑汁磨及粉則不湮開

肥皂浸水磨墨可在油紙上寫字

肥皂水調顏色可回花燭上

櫟炭灰成花燒之有墨處着無墨處不着

磨黃芩寫字在紙上以水沉去紙印字畫脫在水而

上

画上若粉被黑或硫煙熏了以石灰湯蘸筆洗二三

次則色復舊

草麻子油寫紙上以紙灰撒之則見字一云杏仁尤

佳

冬月硯凍入酒磨墨不凍

鹽滷寫紙上烘之字墨

冬月令水不冰以楊花鋪硯槽名文房春風膏硯
樺皮燒煙熏紙作故色勝如黑泥

花瓶中欲水不臭用火燒瓦一片在內膠泥亦可
收画法未雨之先晒乾緊捲入匣以厚紙糊縫過梅
月取出掛之

收筆東坡用黃連煎湯調輕粉蘸筆候乾收之

果子

收棗子挂以一層粟草一層棗相間安之

收栗不蛀以栗蒲燒灰淋汁澆二宿出之候乾置盆
中用沙覆之

藏西瓜不可見日影見之則芽

收雞頭晒乾入瓶紙蒙了復埋之地中

藏金橘於菜豆中則經時不變

藏柑子以盆盛用乾潮沙蓋之土瓜同法

收湘橘用煮湯錫餅收之經年不壞

藏胡桃不可焙焙則油了

藏梨子用蘿蔔間之勿令相着經年不爛

梨蒂插蘿蔔上亦不得爛藏香圓同此法

松子仁帶皮則不油

橄欖樹高難採以鹽塗樹則實自落

青梅小滿前嫩脆過後則易黃

新榧子以猪脂炒過則黑皮不著肉

栗子與橄欖同食作梅花香

橄欖與鹽同食則無苦味

梅子與韶粉同食不酸不軟梅葉尤佳

炒銀杏在十個以上則不爆

乾果子蒸了者露之味如新

菱煮過以礬湯焯之紅線如生

爆栗子銀杏拳一個在手則不爆勿令人知

香員蒂上安芋片則不癆

水楊梅入煇炭不爛

蔬菜

收芥菜子宜隔年者則辣

收冬瓜忌荏帚風

生薑社前收無筋

未霜時不可收芋為其多也

喫茶多腹脹以醋解之

茄子以爐灰藏之可至四五月

小滿前收鹽芥菜可交新

豆豉內用甜瓜頭生者晒乾方可入不然則爛了晒

時以爐灰糝之不引蠅子

花竹

養荷花用溫湯入餅中以紙蒙了以花削尖簪則花
開且久

蜀葵花削煨了以石灰蘸過令乾插水餅中開至頂
而葉不軟

冬青樹上接梅則開酒墨梅

石榴樹以麻餅水澆則花多

梧桐樹閏月多生一葉

按六壬梧桐常年十
二葉閏年十三葉

養石菖蒲無力而黃者用鼠糞酒之

養牡丹芍藥梔子竝刮去皮火燒以鹽擦之插花瓶

中或用沸湯插之亦開

鳳仙花欲令再開但將子逐旋摘去則又生花

種蘭去土用水煇炭屑種之

蒲萄樹用麝香入其皮則蒲萄盡作香味

花樹虫孔以硫黃末塞之

木犀蛙者用芝蔴梗帶殼束懸樹上

竹多年者則生米而死急截去離地二尺許通去節

以犬糞灌之則餘竹不生米也

海棠花用薄荷水浸之則開

橘柚樹澆肥春分後多死

竹葉以沸湯薰過則不捲藏摭甲

銀杏不結子於雌樹鑿一孔入雄樹木一塊以泥塗之便生子

葫蘆照水種自正

草木花被羊食竝不發

花紅者令白以硫黃燒煙熏蓋子蓋花則白

香圓去蒂以大蒜搗爛醃蒂上則滿室香更以濕紙

圍蓋上

芝蔴柴掛樹上無蓑衣虫

牡丹根下放白朮諸般顏色皆是腰金

冬瓜蔓上午時用茗帚打之則生多

禽魚

魚瘦而生白點者名虱用楓樹皮投水中則愈

鱉與蝥蟬被蚊子叮了即死

小犬吠不絕聲者用香油一蜆殼灌入鼻中經宿則

不吠

烏骨鷄舌黑者則骨黑舌不黑者但肉黑

鷄未狝者以茗帚趕之則狝毛倒生

母鷄生子與青

續一作

麻子喫則常生不拖卵

水中浮萍乾焚煙熏蚊出則死

竹鷄叫可去壁虱并白蟻

鴉鶻帶帽兒飛去立喚則高去伏地喚則來

馬螻畏肥皂

鷄黃雙者生兩頭及三足鷄

使蒼蠅不來席上以稻草索數條懸壁間則盡

油殺諸虫

貓兒眼知時有歌云子午線卯酉圓寅申巳亥銀杏

樣辰戌丑未側如錢

棲葱逼蠅

蚕畏鼓聲則伏而不起亦畏雷故也

燕聚魚

馬誤食鷄糞骨眼生

鷄下卵晨則雄暮則雌日中對日下亦雄

香狸生四個外腎

鷹無肫而有肚子喫肉故也飛禽喫穀者有肫

鷄喫猫飯能啄入

令蛙不鳴三五日以野菊花為木順風撒之

逼蠅臘月猪脂以餅懸廁上

麻葉燒烟能逼蚊子

雜著

溪中水沫取起令乾為末入湯中即冷而不沸

池水渾濁以瓶入糞用箬包札之投水中則清

醉中飲冷水手顫

錫銅相和硬且脆水淬之極硬

銀銅相雜亦易鎔化

釜底煤可代火草引火

陳茶末燒煙蠅速去

油紙燈入荷池葉死

金遇鉛則碎

日未出及已沒下醬不引蠅子

銅錢與胡桃一處嚼之錢易碎

水銀撒了以鑰石引之皆上石

打落器中白礬與韶粉研刷真皮色不退

蛇畏薑黃

績麻骨插竹圍四向竹不沿出芝蔴骨亦可

胡麻麩啖犬則黑光而駿

梓木作柱在下手則木響叫云是爭位

杉木煇炭爲末安門相中開門則自能響

釘月臺板用蹇漆樹削作釘以米泔水浸之待乾釘

板易入且堅如鐵

荷花梗塞鼠穴自去

荷花葉煎湯洗鐵器或用荷梗一方用糟醋

染乾皂皮顏色內入杏仁則光且黑

黃蠟與果子同食則蠟自化去

蘿蔔提硝則白煎亦然

伏中不可鑄錢汁不清名爐凍

水缸內養魚三兩個則活不生脚

伏中合醬與麩不生蟲

燈心蘸油再蘸白礬末粘起炭火

鷄子開小竅去黃白了入露水又以油紙糊了日中


晒之可以自升起離地三四尺

收椒帶眼收不帶葉收不變色

伏中收松柴研碎以黃泥水中浸皮脫晒乾冬月燒

之無烟竹青亦可

煮象牙用酢滴煮之自軟



<p>一、</p>	<p>燕巢用</p>	<p>一、</p>	<p>燕巢用</p>	<p>一、</p>	<p>燕巢用</p>	<p>一、</p>	<p>燕巢用</p>
<p>二、</p>	<p>燕巢用</p>	<p>一、</p>	<p>燕巢用</p>	<p>一、</p>	<p>燕巢用</p>	<p>一、</p>	<p>燕巢用</p>
<p>三、</p>	<p>燕巢用</p>	<p>一、</p>	<p>燕巢用</p>	<p>一、</p>	<p>燕巢用</p>	<p>一、</p>	<p>燕巢用</p>
<p>四、</p>	<p>燕巢用</p>	<p>一、</p>	<p>燕巢用</p>	<p>一、</p>	<p>燕巢用</p>	<p>一、</p>	<p>燕巢用</p>
<p>五、</p>	<p>燕巢用</p>	<p>一、</p>	<p>燕巢用</p>	<p>一、</p>	<p>燕巢用</p>	<p>一、</p>	<p>燕巢用</p>
<p>六、</p>	<p>燕巢用</p>	<p>一、</p>	<p>燕巢用</p>	<p>一、</p>	<p>燕巢用</p>	<p>一、</p>	<p>燕巢用</p>

燕巢用

燕巢用

燕巢用

燕巢用

一、

二、

三、

四、

五、

六、

一、

二、

三、

四、

五、

六、

一、

二、

三、

四、

五、

六、

一、

二、

三、

四、

五、

六、

一、

二、

三、

四、

五、

六、

一、

二、

三、

四、

五、

六、

一、

二、

三、

四、

五、

六、

一、

二、

三、

四、

五、

六、

